



SIARAN MEDIA

PENJUALAN PERMIT TAPAK PERNIAGAAN THAIPUSAM 2023

Majlis Perbandaran Selayang akan mengadakan penjualan permit dan undian tapak niaga Thaipusam pada 19 Januari 2023 (Khamis), pukul 9.00 pagi hingga 1.00 tengah hari bertempat di Dewan Beringin, Taman Sri Gombak, Batu Caves.

Sebanyak 236 petak ditawarkan pada tahun ini dengan keluasan 10 x 10 kaki dengan mengambil kira 15 petak diperuntukkan kepada Persatuan Orang Kurang Upaya (OKU) dan 221 petak dibuka untuk jualan iaitu di mana 110 petak adalah untuk perniagaan kering, makanan dan minuman dengan kadar RM200, 16 petak adalah untuk perniagaan gunting rambut dengan kadar RM250 manakala 10 petak adalah untuk penjaja bergerak (*food truck*) dengan kadar RM200.

Pada tahun ini juga, MPS akan meneruskan konsep *hotspot* di mana petak ini berlokasi di kawasan tumpuan pengunjung dengan keluasan 10 x 10 kaki. Sebanyak 50 petak *hotspot* telah dikenalpasti dan bagi perniagaan kering, makanan dan minuman akan dikenakan bayaran dengan kadar RM500 manakala 35 petak *hotspot* adalah untuk perniagaan gunting rambut dengan kadar RM600. Tiada kawasan *hotspot* bagi penjaja bergerak (*food truck*).

Bagi golongan Orang Kurang Upaya (OKU), diskaun sebanyak 30% diberikan untuk pembelian permit tapak perniagaan.

Untuk makluman, tempoh pembelian ke semua petak yang dikeluarkan adalah selama 5 hari bermula daripada 19 hingga 23 Januari 2023 tertakluk kepada kekosongan dan tempoh perniagaan adalah selama 4 hari mulai 3 hingga 6 Januari 2023. Kadar harga yang ditawarkan adalah berbeza berdasarkan kepada tarikh jualan petak. Jika pemohon ingin membuat pembelian di pejabat atau di tapak ketika hari kejadian, kadar adalah seperti di Lampiran 1.



Pemohon permit petak niaga Thaipusam yang menjual makanan dan minuman diwajibkan untuk memiliki Suntikan TY2 (Tifoid) yang masih sah dan Sijil Kursus Pengendalian Makanan bagi pemohon dan pembantu. Untuk perniagaan gunting rambut, pemohon dan pembantu perlu memiliki Sijil Pemeriksaan Kesihatan (Hepatitis B, HIV & TIBI).

Pemakaian pelitup muka adalah digalakkan ketika menjalankan operasi peniagaan makanan dan minuman. Penjaja juga digalakkan menyediakan kemudahan pembayaran secara tanpa tunai (*cashless*) dan menyediakan pemadam api mudah alih.

Penjaja diharapkan perlu mengekalkan tahap kebersihan persekitaran serta mutu makanan yang dijual bagi mengelakkan sebarang isu yang tidak diingini seperti isu berkaitan kesihatan termasuk penyakit berjangkit. MPS juga melarang peniaga menggunakan sebarang bentuk bekas makanan / minuman daripada polisterina sepanjang tempoh jualan.

Syarat-syarat permit perayaan Thaipusam adalah seperti di Lampiran 2.

#TAMAT#

Dikeluarkan Oleh:

Bahagian Perhubungan Awam
Jabatan Korporat

b.p. **Yang Dipertua**
Majlis Perbandaran Selayang
12 Januari 2023



PEMAKLUMAN

HEBAHAN JUALAN PETAK THAIPUSAM 2023

Sukacita dimaklumkan bahawa Majlis Perbandaran Selayang akan mengadakan undian dan jualan petak sempena perayaan Thaipusam seperti ketetapan berikut:

Lokasi: Dewan Beringin, Taman Sri Gombak | Tarikh: 19 Januari 2023 (Khamis)

Masa: 9.00 pagi - 1.00 tengah hari

JENIS PERMIT	KATEGORI	HARGA PADA HARI UNDIAN PETAK	*HARGA DI PEJABAT	*HARGA DI TAPAK
Perniagaan Kering, Makanan Dan Minuman	Biasa	RM 200	RM 350	RM 600
	Hotspot	RM 500	RM 600	RM 800
Gunting Rambut	Biasa	RM 250	RM 500	RM 700
	Hotspot	RM 600	RM 700	RM 1,000
Penjaja Bergerak (Food Truck)	Biasa	RM 200	-	-
OKU - Diskaun 30%	Salinan kad pengesahan OKU diperlukan			

Syarat - Syarat :

- Warganegara Malaysia
- Berumur 18 tahun ke atas
- Salinan kad pengenalan pemohon dan pembantu
- Salinan Sijil Kursus Pengendalian Makanan pemohon dan pembantu (*untuk perniagaan makanan*)
- Salinan Sijil Suntikan Ty2 pemohon dan pembantu (*untuk perniagaan makanan*)
- Salinan Sijil Pemeriksaan Hepatitis B, HIV dan TIBI pemohon dan pembantu (*untuk perniagaan gunting rambut*)

Penjaja :

- Digalakkan untuk menjalankan urus niaga menggunakan kaedah **pembayaran tanpa tunai (cashless)**
- Digalakkan untuk menyediakan **alat pemadam api** di tapak niaga ketika perniagaan dijalankan

PERHATIAN: SEBARANG DOKUMEN YANG TIDAK LENGKAP TIDAK AKAN DILAYAN
Untuk Maklumat Lanjut Sila Hubungi Jabatan Pelesenan Di Talian 03-6126 5940/41/42/43

SYARAT-SYARAT PERMIT THAIPUSAM

1. Berumur **18 tahun ke atas** dan **Warganegara Malaysia** sahaja.
2. Tempoh maksima permit yang dikeluarkan ini adalah untuk **empat (4) hari** sahaja. **(03/02/2023-06/02/2023)**
3. **Pihak MPS berhak untuk menarik balik kelulusan yang diberikan** sekiranya terdapat sebarang pelanggaran syarat perniagaan dan pemeriksaan mengejut akan dijalankan dari semasa ke semasa oleh Pihak Berkuasa.
4. **Kegagalan pemegang permit dalam mematuhi segala peraturan dan kehendak MPS boleh menyebabkan peniadag dikenakan tindakan penguatkuasaan termasuk kelulusan permit dibatalkan.**
5. Aktiviti perniagaan hanya dibenarkan di dalam petak yang dimiliki atau kawasan yang diluluskan sahaja seperti yang tertera dalam surat / permit kelulusan dan mengikut jenis aktiviti yang diluluskan serta **diwajibkan mempamerkan permit tersebut sepanjang tempoh perniagaan dijalankan.**
6. Pemegang permit adalah **dilarang mempelawa atau menyewakan tapak kepada individu lain.** Tindakan penguatkuasaan akan dilakukan oleh MPS jika berlaku ketidakpatuhan ini.
7. Peniaga hanya dibenarkan menggunakan **peralatan mudah-alih seperti meja, kerusi, stall, payung dan peralatan ini perlu dialihkan selepas waktu perniagaan selesai.**
8. **Tindakan sita peralatan** akan dibuat jika peniaga didapati meninggalkan, menyimpan, meletakkan barangan dan peralatan perniagaan selepas tempoh perniagaan / tamat tempoh permit.
9. **Kenderaan milik peniaga perlu diletakkan di lokasi yang tidak menghalang laluan awam dan boleh menyebabkankacauganggu.** Tindakan sita akan dilakukan oleh Pihak Berkuasa jika terdapat kacauganggu.
10. **Sentiasa memastikan kebersihan petak semasa dan selepas aktiviti perniagaan dijalankan.**
11. Peniaga dikehendaki **membersihkan kawasan petak masing-masing**, segala sisa-sisa perniagaan dan sampah sarap dimasukkan ke dalam plastik sampah dan diikat. **Peniaga tebu dan kelapa perlu meletakkan sisa di dalam bakul/bekas** dan kutipan akan dilakukan oleh kontraktor yang dilantik oleh MPS secara berjadual.
12. Berniaga secara bungkus sahaja. **Tidak dibenarkan sama sekali untuk meletakkan kerusi dan meja untuk pelanggan makan.** Penggunaan **polisterin** untuk pembungkusan makanan dan minuman adalah dilarang.
13. Bagi perniagaan yang melibatkan **aktiviti penjualan makanan dan minuman, setiap pengendali wajib mempunyai bukti suntikan TY2 dan kursus Pengendali Makanan yang masih sah tempoh dan bagi aktiviti gunting rambut, semua pengendali wajib mempunyai salinan sijil pemeriksaan Hep B, HIV & TIBI.**
14. Bagi pengendali makanan bergoreng, **hendaklah meletakkan pelapik atau alas di bawah tempat memasak bagi mengelakkan minyak menitis atau tumpah di atas tapak.**
15. Semua **penyedia dan pengendali makanan wajib memakai topi, apron dan pelitup muka semasa menjalankan aktiviti perniagaan** bagi menjamin keselamatan dan kebersihan makanan yang dijual.
16. Pemegang permit hendaklah **sentiasa mematuhi peraturan yang telah ditetapkan oleh MPS** sebagaimana yang telahdiperuntukkan di bawah Undang-Undang Kecil Penjaja (MPS) 2007 dan atau mana-mana peruntukan undang-undang sediaada serta segala syarat-syarat yang telah ditetapkan oleh MPS dari masa ke semasa.
17. Peniaga **tidak dibenarkan menjual** barangan permainan **vuvuzela** yang mengeluarkan bunyi kuat yang boleh mendatangkan kacauganggu bunyi pada orang awam, **topeng hantu atau penutup muka yang menakutkan dan minuman beralkohol.**
18. Hanya dibenarkan menjual makanan berasaskan sayuran (**vegetarian**) sahaja.
19. **PERINGATAN:** Pihak MPS tidak akan bertanggungjawab ke atas apa jua bentuk kemalangan / kecederaan/ kehilangan/kecurian yang berlaku semasa tempoh perniagaan dijalankan.